

Krav om lovlegkontroll av vedtak i Osterøy Heradstyre i sak 036/21, 07.04.21

I medhald av kommunelova § 27-1 vert det fremja krav om lovlegkontroll i samband med handsaming av sak 036/21 i Osterøy heradstyre, vedtak fatta den 07.04.21.

Under handsaming av sak 036/21 vart møtet halde som lukka møte, utan at det vart lagt fram grunngjeving for kvifor møtet vart halde som lukka møte.

Denne saka vart handsama som ei fortsetjing av sak 035/21 og ordførar gav difor ingen opplysningar om kvifor saka var lukka. Det vart dermed heller ikkje halde avrøysting om lukkinga av møtet.

Det vart heller ikkje halde debatt om lukking, eller debatt om debatten skulle gå for opne eller lukka dører, jfr kommunelova §11-5, siste ledd:

Et folkevalgt organ eller møtelederen kan vedta at en debatt om lukking av et møte skal holdes i lukket møte. En avstemning om eventuell lukking av et møte skal holdes i åpent møte.

Ingenting av dette vart teke omsyn til i saka.

Advokat frå advokatkontoret Harris som er sakfører i saka, var og tilstades i møtet medan ordskiftet pågjekk. Me stiller og spørsmål med om dette er tillete.

Då Lovlegkontrollen vert sendt inn, og saka er omfattande, kan det kome nye moment som og bør vurderast.

Med bakgrunn i dette vert det difor sett fram krav om lovlegkontroll i saka jamfør kommunelova §27-1.


Dersom heradstyret ikkje tek saka oppatt til ny førehaving, vart saka å sende til departementet for lovlegkontroll av vedtaket jamfør Kommunalova §27-1, §27-2 samt §27-3.

Det vert framsett krav om utsett iverksetjing av vedtaket.

Lonevåg 11.04.21


Kim Andre Hartveit
Osterøy FrP


Alf Terje Mortensen
Osterøy Frp


Ragnar Johan Tyssebotn
Osterøy Frp